

**19 DECEMBRIE**

**RUGACIUNEA 3**

**SF. CUVIOS**

**ILIE MUROMET DE LA PECERSKA**

**Молитва**

О великий подвижнике и угоднике Христов, преподобне отче Илие Ты в воинстем чине за имя Христово крепко подвизался еси и наследие державы Российския ограждал еси. Ты, оставив славу земную, избрал еси безмолвное житие в монастыре Киево-Печерстем и явился еси граду Киеву и обители твоей заступник крепок. О, храбрый в ратех, врагом прогонителю и обидимым заступниче, буди нам поборник на вся видимыя и невидимыя враги наша, помози и нам пребыти твердым, непоколебимым в испытаниях, да твоею помощию и крепким предстательством посрамятся вси являющии нам злая. Отче святыи, ускори ныне на помощь, утверждая мир и тишину в земли нашей, и умоли Господа всех нас сохранить от глада, губительства, труса и потопа, от огня и меча, от нахождения иноплеменных и междоусобных брани, и от тлетворных ветр, и от смертоносных язвы, и от всякаго зла избавити, распри и

раздоры, посреде единовѣрныхъ братьевъ  
возникающія, умирить, отпадшихъ паки в  
единомыслие привести и всехъ насъ единениемъ  
духа и любви во Единой Святей Соборной и  
Апостольстей Церкви соединить.

Не забуди, святче Божий, милостиво  
присещати градъ твой и обитель твою и вся  
грады и веси страны нашея православныя,  
сохраняя ихъ молитвами твоими отъ всякаго зла.  
Помяни всехъ веру и любовь къ тебѣ имущихъ, имя  
твое молитвенно призывающихъ и на поклонение  
мощемъ твоимъ святымъ приходящихъ, и вся во  
благихъ прошения ихъ милостиво исполни, и  
сподоби насъ помощію твоею спасение вечное  
получить и Царствие Небесное наследовать, да  
славословимъ непрестанно Отца, и Сына, и  
Святаго Духа во веки вековъ. Аминь.